



Sabtu, 02 Maret 2024
Ogen: Nahum 1: 11-15



Ikernepenken dingen ilesapken



Menurut penelitian maka mbue kepeken peradapan sada bangsa si musnah ntah bene i bas doni enda nari. Contoh e me peradapan Maya i benua Amerika. Si tuhuna bangsa Maya e me bangsa si maju tapi bene erkiteken peperangan, perubahen iklim si erbansa kelihen. Lit ka peradapan Indus si terletak i India, Pakistan ras Afganistan. Bangsa e pe i bas masana jadi sada bangsa si mbelin ras jaya. Tapi bene ntah pe kernep erkiteken perubahen iklim si erbansa kekeringen ras kelihen. Dua contoh bangsa e bene erkiteken perubahen iklim i doni si erbansa kelihen terjadi. Iklim saja pe banci erbansa sada bangsa kernep apaika adi erkiteken rawa Dibata.

Niniwe jadi sada bangsa si bene ras kernep erkiteken rawa Tuhan. Kai si erbansa bage? erkiteken i bas bangsa e nari rehna kalak si jahatna kal sura-surana si erpekat ngelawan Tuhan. E maka ilesapken ras ikernepen Tuhan me bangsa Niniwe maka sada pe lanai lit kesusurena si tading nari janah nina Tuhan lanai ia patut nggeluh. Si tuhuna adi siukuri, seh kal ngerina adi Tuhan nggo ernembekh ate nandanghi kejahatann manusia. Lanai ia patut nggeluh. Asa ndigan pe Dibata labo erngena ate nandanghi kalak si jahat terlebih kalak si ngelawan Tuhan. Ula lebe ngelawan Tuhan, si menghina Tuhan saja pe mbue dat ukumen i bas IA nari.

Sekalak aktris terkenal tahun 60-70an i bas Amerika e me Marilyn Monroe. Ope lenga ia mate, pernah reh pandita Billy Graham njumpai ia. Pandita e ngatakensa man bana maka lit atena isehkenna man ia arah persuruhan Kesah Sibadia. Tapi nina Marilyn Monroe ngatakensa," Maaf, saya tidak butuh Yesusmu itu." La ndekahsa ia idapeti mate i bas apartemenna.